



# Sisa plastik import berulang?

Sinar HARIAN (18/12/2021) M18 13

Aktivis alam sekitar sifatkan Malaysia masih dibelenggu isu sisa plastik import sejak tahun 2018

## KUALA LUMPUR

**T**anpa bersarung tangan, penyelidik alam sekitar Wong Pui Yi menyelongkar longgokan bendela sisa buangan plastik yang kotor dan berhabuk, ditinggalkan di sebuah rumah kedai di Kawasan Perindustrian Pulau Indah di Klang, Selangor. Terdiri daripada campuran sisa plastik dan kertas, setengah bendela tersebut masih mempunyai label produk iaitu satu daripada label itu dalam bahasa Belanda yang menerangkan tentang makanan dan beralamat di Afrika Selatan.

Longgokan sisa buangan berkenaan yang memenuhi segenap ruang premis, hanyalah satu daripada beberapa timbunan sam-



Malaysia pernah menjadi salah sebuah negara yang ambil tindakan hantar pulang sisa sampah ke negara pengimport. Gambar kecil: Pui Yi.

Keratan akhbar Sinar Harian merujuk kepada sampah import pada Mei 2019.



lam tong kitar semula, banyak negara mengambil jalan memampatkan sampah plastik menjadi bendela kerana kaedah itu lebih murah, dan menjualnya.

Pengusaha di Asia Tenggara termasuk Malaysia membeli sisa terbabit dan hanya dalam masa yang singkat keadaan berada di luar kawalan mereka.

“Memang mudah bawa masuk kerana kita tidak jangka (jumlah menjadi begitu besar). Sebelum ini, sudah ada kegiatan import sisa plastik untuk kitar semula di Malaysia, namun pada skala sangat kecil,” kata Pui Yi.

Tegas wanita itu, ibarat ban pecah, apabila kebenaran diberikan untuk sampah dibawa masuk, timbunan sisa buangan plastik import mula membukit.

**Pikat pelabur**  
Penyelidik Sahabat Alam Malaysia (SAM), Mageswari

pah di kawasan terbabit.

“Sisa buangan ini adalah bahan buangan campuran yang diimport (barangkali sudah ada di sini sejak) 2018, 2019.

“Dulu cukup mudah untuk bawa masuk sisa buangan ini, sekarang lebih sukar,” jelasnya di lokasi bagi menyelami permasalahan sisa plastik import yang dihadapi negara ini.

Selepas China menghentikan pembelian hampir kesemua sisa plastik pada Januari 2018, Malaysia menjadi destinasi popular buat penyeludup bahan buangan.

Menurut kerajaan dan statistik Pertubuhan Bangsa-Bangsa Bersatu (PBB), Malaysia mengimport lebih 850,000 tan sisa plastik pada tahun berkenaan dengan sebahagiannya dibuang begitu sahaja, manakala yang lain dibakar di kilang kitar semula yang beroperasi secara haram atau terbiar.

Malaysia kemudian memperketat peraturan kebenaran mengimport, meningkatkan pe-

mantauan dan penguatkuasaan di pelabuhan, memulangkan berdozen kontena membawa ‘plastik kotor’ ke negara asal dan mengambil tindakan tegas terhadap kilang kitar semula tidak berlesen. Akan tetapi, selepas tiga tahun, negara masih lagi bergelut untuk ‘membuang’ sampah yang dibawa masuk sebelum ini.

Pui Yi yang merupakan penyelidik tadbir urus plastik Pusat Memerangi Rasuah dan Kronisme (C4) berkata, ada banyak sebab sisa buangan tersebut ditinggalkan terbiar.

Katanya, sesetengah sampah yang dibawa masuk tidak boleh dikitar semula kerana merupakan campuran tercemar dengan sisa buangan perbandaran, disifatkan sebagai ‘plastik kotor’. Contoh ‘plastik kotor’ ialah bekas yang diperbuat daripada plastik kitar semula yang ada sisa makanan.

Sebab lain ialah pemilik melarikan diri atau premis tersebut pernah dijadikan lokasi mengasingkan sisa plastik, namun ditinggalkan apabila operasi kilang

haram berdekatan ditutup.

Menurut pegawai di Majlis Perbandaran Klang (MPK), di kawasan itu sahaja ada empat tapak pembuangan sisa dan 1,600 lot dengan beberapa kilang haram beroperasi.

“Dah bawa barang salah, tentu akan dibuang sesuka hati,” kata Zairezal Ahmad Zairuddin daripada Jabatan Perkhidmatan Persekitaran MPK.

Meninggalkan sisa plastik diimport begitu sahaja juga adalah kaedah paling murah.

Pakar pengurusan sisa dari Sunway University, Profesor Dr P Agamuthu menyimpulkan situasi itu sebagai modus operandi syarikat yang membawa masuk sampah secara haram, selalunya memalsukan dokumen atau melabelkan secara salah jenis sisa.

“Apabila mereka dapati kira-kira 70 hingga 80 peratus daripada bahan tersebut tidak berbaloi untuk dikitar semula, mereka akan buang, sebab kalau mereka bawa ke tapak pelupusan sampah mereka perlu bayar tip,”

jelas beliau.

Pengusaha kitar semula plastik, Datuk Johnson Yoon yang bersetuju dengan pandangan itu berkata, ramai operator kitar semula yang tidak berlesen memilih untuk meninggalkan sisa terbabit daripada mengitar semula kerana proses kitar semula adalah kompleks dan mahal.

“Jika JAS (Jabatan Alam Sekitar) panggil saya dan suruh saya bersihkan sisa buangan yang ada di Pulau Indah, saya juga akan sakit kepala,” katanya.

### Tidak terurai

Plastik memberikan kesan jangka panjang hingga ke masa depan kerana ia tidak terurai, selain hanya boleh dikitar semula untuk beberapa kali.

Justeru, bahan itu dijangka kekal selama beratus hingga beribu tahun akan datang dan jika ada sisa organik padanya, plastik itu tidak boleh dikitar semula.

Jenis plastik juga penting. Jika sampah itu adalah campuran kertas dan plastik seperti cawan kopi untuk bawa pulang, produk berkenaan juga tidak boleh dikitar semula.

Menurut Bank Dunia, kira-kira 1.82 bilion tan sisa pepejal domestik dihasilkan dunia setiap tahun. Menjelang tahun 2050, sisa tersebut dijangka meningkat kepada 3.08 bilion tan setahun.

Jumlah sisa buangan yang begitu besar perlu ‘dibersihkan’ dan daripada mengasingkan serta mengitar semula sampah yang dibuang oleh orang ramai ke da-

ngaralingan pula berkata, berikutan kewujudan lebihan sisa plastik itu, ramai pelabur asing datang dan mengoperasikan pusat kitar semula bagi menangani isu sampah terbabit.

“Ramai yang buat secara haram kerana untuk menubuhkan kemudahan berlesen, anda perlu lalui pelbagai proses bagi mendapatkan permit dan lesen, semua ini mengambil masa. Justeru, lebih mudah bagi mereka mengoperasikan pusat kitar semula haram,” katanya.

Johnson yang juga Setiausaha Agung Persatuan Pengitar Semula Plastik Malaysia (MPRA) berkata, tindakan operator haram terbabit memburukkan nama pengitar semula yang berlesen, selain mengganggu perniagaan ramai ahli persatuan.

“Kami terpaksa hentikan terus operasi. Jadi, anda boleh tengok sendiri betapa teruknya kesan ke atas pengitar semula berlesen... memang sangat serius. Kami alami kerugian yang besar,” ujar beliau.

Tegas Johnson, sebelum ini ahli masyarakat memandang pengitar semula dalam konteks positif, namun kini setiap kali ada laporan tentang sisa plastik import, akan ada komen negatif terhadap mereka.

“Kami ialah (penggiat) industri kitar semula. Orang panggil kami yang terlibat dalam industri kitar semula sebagai ‘orang sampah’ (hanya disebabkan oleh kilang haram terbabit). Kami adalah ‘sampah’,” kata Johnson.

- Bernama



Antara longgokan bendela sisa buang plastik import di kawasan perindustrian Pulau Indah, Klang, Selangor.